

# Bengkel Anugerah Hijau



**Sepuluh finalis** yang menghadiri bengkel bersama-sama wakil LBS

**Dengkil:** Seramai 10 finalis pertandingan Anugerah Hijau menghadiri bengkel ciptaan ruangan rekreasi menggunakan bahan kitar semula di Paya Indah Wetlands baru-baru.

Penganjuran bengkel tiga hari itu bagi memastikan kualiti pembinaan model tiga dimensi 3-D mereka bagi kategori Ruang Hijau

yang akan dinilai juri bulan depan.

Wakil Persatuan Arkitek Malaysia, Ar Serina Hijjas, yang mengendalikan bengkel itu berkongsi mengenai kecekapan penggunaan tenaga dan bahan kitar semula dalam model mereka.

Pakar seni bina lestari, Justin Santiago, Bon

Eng dan Ir Thirukumaran Jallendran turut berkongsi hala tuju reka bentuk ruang rumah atau bandar dalam perspektif antarabangsa dan tempatan.

## **Perspektif baharu**

Pelajar institusi pengajian tinggi (IPT) yang bersaing pada peringkat akhir kategori Ruang Hijau pertandingan

itu ialah Mohd Khairie Redzal Nordin dari Universiti Kuala Lumpur; Amy Fadzillah Ibrahim, Ayyub Isa Ibrahim, Rizky Azmi, Teo Shan Yee, William Tan Jun Yee dan Chong Kai Zen (Universiti Sains Malaysia), Susanne Law Lu San (Universiti Putra Malaysia), Mohd Fakhruddin Tajuddin (Universiti Islam Antarabangsa Malaysia) serta Shanmuga Aanand Dhana-jeyan dan Lam Tuck Lone dari Universiti Tunku Abdul Rahman.

Susanne berkata, penyertaan dalam bengkel itu memberi perspektif baharu mengenai reka cipta ruang berkonsep lestari yang memberi inspirasi kepadanya untuk mempromosikan perubahan gaya hidup yang mementingkan pemeliharaan semula jadi.

"Saya berasa gembira kerana dipilih sebagai finalis. Ini merupakan peluang bagi saya mendalami proses perkongsian ilmu, idea dan pengalaman daripada pakar bidang ini," katanya.

## **Projek sebenar**

Anugerah Hijau ialah per-

tandingan berkonsep alam sekitar dianjurkan badan bukan kerajaan, EcoKnights dan ditaja pemaju hartanah, LBS Bina Group Berhad (LBS).


Pengarah Urusan LBS, Datuk Lim Hock San, berkata pemenang kategori Ruang Hijau berpeluang merealisasikan idea dan model mereka dalam salah satu projek perbandaran LBS.

Katanya, selain trofi dan wang tunai, LBS turut menawarkan peluang menjalani latihan industri selama tiga bulan bagi johan kategori Green Space.

Naib johan dan pemenang tempat ketiga masing-masing akan menerima wang tunai RM2,500 dan RM1,000, piala, sijil, produk mesra alam dan baucar buku.

"Kami gembira melihat pelajar IPT mengambil kesempatan mencabar kreativiti mereka menerusi pertandingan ini.

"Saya berharap finalis memanfaatkan sepenuhnya pengetahuan dan pendalaman diterima menerusi bengkel ini bagi merealisasikan rekaan mereka," katanya.



## **PEMENANG KATEGORI RUANG HIJAU BERPELUANG MEREALISASIKAN IDEA DAN MODEL ME-REKA DALAM SALAH SATU PROJEK PERBANDARAN LBS"**

**Datuk Lim Hock San**  
Pengarah Urusan LBS